



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/21-2-40-443-2/21**
Datum: **28.09.2021. god**

«Agencija za vodno područje rijeke Save» Sarajevo, rješavajući po zahtjevu Ministarstva poljoprivrede, šumarstva i vodoprivrede Tuzlanskog Kantona dostavljenom na nadležno postupanje ovoj Agenciji, a u postupku donošenja Rješenja o vodnoj saglasnosti za aktivnost izgradnje solarne fotonaponske elektrane 70 kW u naselju Klokotnica, općina Doboj Istok, na osnovu člana 123. Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev pravnog lica „Concentrana VETT“ d.o.o. Doboj Istok za donošenje Rješenja o vodnoj saglasnosti za izgradnju solarne fotonaponske elektrane 70 kW u naselju Klokotnica, na zemljištu označenom kao k.č. broj 505 K.O. Klokotnica, općina Doboj Istok, zbog nepostojanja uslova za vođenje upravnog postupka od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.

Obrazloženje

Ministarstvo poljoprivrede, šumarstva i vodoprivrede Tuzlanskog Kantona dostavilo je ovoj Agenciji na nadležno postupanje zahtjev za donošenje Rješenja o vodnoj saglasnosti u ime pravnog lica „Concentrana VETT“ d.o.o. Doboj Istok, za izgradnju solarne fotonaponske elektrane 70 kW u naselju Klokotnica, na zemljištu označenom kao k.č. broj 505 K.O. Klokotnica, općina Doboj Istok.

U provedenom postupku dostavljena je i pregledana sljedeća dokumentacija:

- Ovjerena kopija rješenja o izmjenama podataka u registar poslovnih subjekata Općinskog suda u Tuzli broj 032-0-Reg-21-000066 dana 26.01.2021. godine;
- Ovjerena kopija Uvjerjenja o poreznoj registraciji izdatog od strane Porezne uprave – Kantonalni porezni ured Tuzla dana 25.05.2009. godine;
- Ovjerena kopija Rješenja o urbanističkoj saglasnosti donesenog od strane Službe za prostorno uređenje Općine Doboj Istok, broj: UP-I-05-19-111/21 dana 03.09.2021. godine;
- Ovjerena kopija Obavijesti date od strane Ministarstva prostornog uređenja i zaštite okolice Tuzlanskog Kantona da za navedenu aktivnost nije potrebno izdavanje okolinske dozvole, broj: 12/1-19-007805/21 dana 09.03.2021. godine;
- Ovjerena kopija izvoda iz katastarsko-knjižnog uložka broj 3289 izdatog od strane Službe za prostorno uređenje općine Doboj Istok, broj: 05-26-15/21-3 dana 12.01.2021. godine;
- Ovjerena kopija katastarskog plana UR broj: 05-26-17/2021-3 od 12.01.2021. izdatog od strane Službe za prostorno uređenje općine Doboj Istok;
- Ovjerena kopija Zemljišnoknjižnog izvodka broj: 027-0-NAR-21-002 758, ZK uložak broj: 3186, K.O. Klokotnica izdat od strane Zemljišnoknjižnog ureda Općinski sud u Gradačcu dana 15.04.2021. godine;
- Ovjerena kopija Zemljišnoknjižnog izvodka broj: 027-0-NAR-21-002 757, ZK uložak broj: 3783, K.O. Klokotnica izdat od strane Zemljišnoknjižnog ureda Općinski sud u Gradačcu dana 15.04.2021. godine;
- Ovjerena kopija izvoda iz prostornog plana općine Doboj Istok – karta broj 9;
- Kopija Izvoda iz katastarsko-knjižnog uložka broj 3724, broj: 05-26-664/20-2 od 04.09.2020. godine izdatog od strane Službe za prostorno uređenje općine Doboj Istok;
- Idejni projekat i studija izvodljivosti za fotonaponsku – solarnu elektranu, 70 kW, urađen od strane Advanced Technology and Systems Sarajevo, januar 2021. godine.

Na osnovu uvida u dostavljenu dokumentaciju i uvida u Informacioni sistem voda utvrđeno je sljedeće:

- Planirani objekat (solarna fotonaponska elektrana) se ne nalazi u blizini vodotoka I kategorije, koji su u nadležnosti ove Agencije, niti u plavnom području,
- Planirani objekat je van bilo kakvih izvorišta i zaštitnih zona izvorišta vode za piće,
- U procesu rada samog objekta neće biti produkcije tehnoloških otpadnih voda.

Ukoliko tokom korištenja predmetne solarne fotonaponske elektrane dođe do promjene rješenja koje se odnosi na eventualnu produkciju tehnoloških otpadnih voda i način njihovog ispuštanja, korisnik objekta dužan je da podnese zahtjev za izdavanje vodnih akata nadležnom organu.

U skladu sa navedenim, a prema članu 139. stav (1) Zakona o vodama konstatovano je da ova Agencija po važećim propisima nema uslova za pokretanje upravnog postupka, te je shodno članu 123. Zakona o upravnom postupku riješeno kao u dispozitivu ovog zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Aida Bezdrob, dipl.građ.inž.

**Po ovlaštenju
Rukovodilac sektora za
izdavanje vodnih akata**



Haris Ališehović, dipl.inž.građ.

PRILOG: Idejni projekat i studija izvodljivosti za fotonaponsku – solarnu elektranu, 70 kW, urađen od strane Advanced Technology and Systems Sarajevo, januar 2021. godine.

Dostaviti:

- „Concentrana Vett“ d.o.o. Doboj Istok, Samarić bb, , 74207 Doboj Istok (sa prilogom)
- Ministarstvo poljoprivrede, šumarstva i vodoprivrede Tuzlanskog Kantona, odsjek vodoprivrede, šumarstva i drvne industrije, Rudarska 57, 75000 Tuzla
- AVP Sava – ISV Vodna knjiga
- Org.jed. 40 – Arhiva
- AVP Sava – Oglasna ploča